

卷之四

《續修四庫全書》編纂委員會編

續修四庫全書

上海古籍出版社

一五九・經部・四書類

孟子趙注補正六卷〔清〕宋翔鳳撰……………一

孟子趙注考證一卷〔清〕桂文燦撰……………六三

大學古本傍釋一卷大學古本問一卷

〔明〕王守仁撰……………七三

大學辨一卷〔清〕陳確撰……………八三

大學知本圖說一卷〔清〕毛奇齡撰……………九一

大學疏略一卷〔清〕張沐撰……………一〇三

大學辨業四卷〔清〕李塨撰……………一二一

大學困學錄一卷〔清〕王澍撰……………一四七

大學說一卷〔清〕惠士奇撰……………一八三

大學偶言一卷〔清〕張文鳳撰……………二〇一

大學古義說二卷〔清〕宋翔鳳撰……………二二三

大學章句質疑一卷〔清〕郭嵩燾撰……………二三九

大學古義一卷〔清〕劉光賁撰……………二六一

讀中庸叢說二卷〔元〕許謙撰……………二八一

中庸說要一卷〔明〕宋大勺撰……………三〇三

中庸疏略一卷〔清〕張沐撰……………三三三

中庸傳注一卷 中庸傳注問一卷

〔清〕李塨撰……………三五七

恕谷中庸講語一卷〔清〕李塨撰……………三七五

中庸困學錄一卷〔清〕王澍撰……………三八九

易大義一卷〔清〕惠棟撰……………四三一

中庸札記一卷〔清〕范爾梅撰……………四四一

中庸補注一卷〔清〕戴震撰……………四四七

中庸章句質疑二卷〔清〕郭嵩燾撰……………四六一

四書箋義纂要十二卷補遺一卷續遺一卷

〔宋〕趙應撰……………五〇三

四書待問二十二卷〔元〕蕭鎰撰……………六〇七

孟子趙注補正

〔清〕宋翔鳳撰

據上海辭書出版社圖書館藏清光緒十七年廣雅書局刻本影印原書
版框高二一毫米寬三〇八毫米

孟子性善論正序

光緒十七年五月
廣雅書局校刻

孟子趙注補正序

余少習孟子得轉附朝儻之說方從學於伯舅葆琛先生先生極以爲然至京師王石渠先生聞其解西喪地於秦七百里而是之又獲交臧君西成與論孟子年月事迹深致往復當歲庚午隨侍先君子於水城通判官廨即欲取外卿之注而補之奔走四方三十餘年其閒時時有獲自羈宦湘中承乏兩邑奉嚴促之令馭凋劫之民終歲受責晨夕馳歡幾同外卿所云困吝之中精神遐漂又以年暮無子恐一旦徂謝則平生所得將就放失乃於簿書之暇粗事寫定以行世焉道光二十年五月二日長洲宋翔鳳記於耒陽縣舍

孟子趙注補正序

廣雅書局校

孟子趙注補正卷一

長洲宋翔鳳撰

孟子題辭 孟子邾人也名軻字則未聞也 漢藝文志孟子十一篇名軻邾人子思弟子有列傳注師古曰聖證論云軻字子車未詳其所得案王肅作聖證論語多舛造顏氏以爲未詳所得是不信之也至孔叢尤出僞撰更不足據

邾本春秋邾子之國至孟子時改曰鄒矣國近魯後爲魯所并又言邾爲楚所并非魯也 漢地理志魯國臨縣故邾國曹姓二十九世爲楚所滅案騶通鄒孟子時尙有鄒國其後蓋與魯同爲楚所并矣又案鄭語史伯言曹姓邾莒則春秋時即名曰鄒春秋邾小邾公羊經並作邾婁小邾婁公羊音義

孟子趙注補正卷一

廣雅書局

邾婁力俱反邾人語替後曰婁故曰邾婁禮記檀弓有邾婁考公邾婁合言邾長言曰邾婁本是一音非孟子時改

長師孔子之孫子思 孔子世家云伯魚年五十先孔子死伯魚生伋字子思年六十二嘗困於宋作中庸鄭康成說顏淵死伯魚尙未葬則亦卒於魯哀十三年蓋遺腹生子思在十四年年甚幼不及事孔子故孔子之喪皆門人所治以子思在緇祿也知子思年六十二當威烈王六年是年困於宋作中庸中庸爲繼聖明道之書故以年著之與上文敘孔子大事必著年若干同例

僞孔叢謂子思年十七作中庸者誤 六十二非卒年也子思卒年不書史失之矣又十三年當威烈王十九年爲魯穆公元年子思年七十五穆公亟見子思尊禮之果子思年六

大四百七十
小一十九

十二安得至穆公時孟子之言反爲失實矣又三十餘年當烈王初年孟子就外傳受業子思辨見後子思年約一百餘歲古者大儒多享神明之壽如子夏伏生竇公之流子思之年亦爾也列女傳孟母篇云孟子之少也既學而歸孟母方績問曰學所至矣孟子曰自若也孟母以刀斷其織孟子懼且夕勤學不息師事子思遂成天下之名儒此師事子思之事也史記孟荀列傳云孟軻邾人也受業子思之門人索隱曰王劭以人爲衍字案高誘淮南子記論篇注云孟子受業於子思之門成唐虞三代之德敘詩書孔子之意此數語全本史記而無人字知王劭說是也風俗通窮通篇亦言孟子受業子思漢書董仲舒傳孝景時爲博士下帷講讀弟子傳以次相授業或見其面注師古曰言所學者但就舊業

孟子趙注補正卷一

廣雅書局

弟子授業不必親見仲舒又案言門人者蓋子思年過耄期不能親授經如伏生年老使女傳言敘朝錯又如康成師馬融僅從高足弟子受業而已則有人字亦通

又有外書四篇性善辨文說孝經爲政 案當是性善爲一篇辨文爲一篇說孝經爲一篇爲政爲一篇若今所傳孟子外書則僞之僞者也

孝文皇帝欲廣遊學之路論語孝經孟子爾雅皆置博士 劉歆移太常博士書言文帝時天下眾書往往頗出皆諸子傳說猶廣立於學宮爲置博士說與此同

梁惠王章句上 王曰叟注叟長老之稱也猶父也孟子去齊老而之魏故王尊禮之曰父 史記孟荀列傳云道既通遊

大四百四十九
小五十九

事齊宣王宣王不能用適梁梁惠王不果所言則見以為迂遠而闊於事情孟子梁惠王篇齊宣王問趙注云孟子冀得行道故仕於齊不用而去乃適於梁建篇先梁者欲以仁義為首篇因言魏事章次相從然後道齊之事也風俗通義窮通篇云孟軻嘗仕於齊位至卿後不能用孟子去齊梁惠王復聘請之以為上卿案趙臺卿應仲遠並本史記以為先齊後梁案魏世家惠王三十五年孟子至梁當齊宣王七年次年惠王卒襄王立孟子乃去梁適齊故梁惠王篇孟子見梁襄王下即記齊宣王問齊桓晉文事當時盛稱桓文故宣王首舉以問正是初見時口吻以後如宣十一年當燕易王初立齊取燕十城再書齊人伐燕取之之事說詳臧氏齊取燕

孟子趙注補正卷一

十城齊滑王十年當燕王噲七年齊伐燕亦見燕世家即公考及燕人畔之事二事去梁惠王時甚後而孟子書並記為遊齊時事則游梁斷在游齊前也況太史公傳孟荀大意謂當時學士迂怪不經惟孟子述唐虞三代之意以推崇其術非斤斤傳孟子事蹟如云遊事齊宣王宣王不能用適梁梁惠王不果所言不過略言孟子遊齊梁時君不見知而已不序事之先後也下文又云騶子重於齊適梁梁惠王郊迎云云據魏齊二世家述騶子至齊亦在至梁之後知並是隨文順記也又案梁惠王篇孟子見梁惠王王曰叟趙注云叟長老之稱也猶父也孟子去齊老而之魏故王尊禮之曰父據趙意以為使孟子先至梁則年未老不得有叟稱今考戰國秦

大四百八十三
小六十七

漢人君於遊士皆稱先生先生亦父兄之稱其年不必盡老孟子時雖未過五十見惠王尊賢故以叟稱之與賈子新書先醒篇人謂知道者先生正同正是卑禮招賢之證故魏世家注引劉熙云叟長老之稱依皓首之言謂尊禮孟子依白首之稱耳孟子實未皓首甚合當時情事趙說不可從孟子對曰王案顧隱君以史記載諸侯相王在梁襄王時謂依史記則惠王稱王為非此隱君信竹書紀年以史記梁襄王之年為惠王改元之年故為此說其實惠王早稱王於國中孟子入國問俗不能不爾迨相王則稱於鄰國如史記鴻門之會沛公稱羽為將軍而樊噲則稱大王張良曰誰為大王畫此計者其時項羽漢高皆未王又黃歇說秦昭王

孟子趙注補正卷一

日先帝文王武王時秦未帝而臣下已作此稱惠王稱王亦此意白鳥鶴鶴案毛詩作鷺鷥說文鷺鳥白肥澤貌从羽高聲詩曰白鳥鷺鷥說文引詩為毛氏古文孟子則段鶴為鷺也湯誓曰時日害喪予及女皆亡注時是也時乙卯日也害大也言桀為無道百姓皆欲與湯共伐之湯臨土眾而誓之言是日桀當大喪亡我與女俱往亡之案尚書大傳云伊尹入告於桀曰天命之亡有日矣桀曰天之有日猶吾之有民也日有亡哉日亡吾亦亡矣鄭注曰自比於天言常在也此於日言去復來也書湯誓鄭注云桀見民欲叛乃自比於日曰是日何常喪乎日亡我與汝亦皆喪亡引不亡之微以脅恐

大四百八十三
小一十一

下民也案經文作曰時日曷喪云云則非湯言故大傳以爲桀言之趙注望文生義遂以爲湯言與經語不合又案史記般本紀作夏王率止眾力率奪夏國有眾率怠不和曰是何時喪子與女皆亡詳史記之詁合諸經文及孟子民欲與之皆亡則此二語爲夏民之言爲順蓋日以喻君夏民不敢斥言故曰是何時喪乎女亦指日言民遭暴君亂世不聊生故曰子與女皆亡皆亡與偕樂相對書孔傳曰眾比桀於我與汝俱亡微身以喪桀此古文說故與伏生不同也

斧斤以時入山注謂草木零落之時案周禮山虞仲冬斬

陽木仲夏斬陰木注鄭司農曰陽木春夏生者陰木秋冬生者元謂陽木生山南陰木生山北冬斬陽夏斬陰堅濡調趙

孟子趙注補正卷一

五

注時爲草木零落之時非

狗彘食人食而不知檢塗有餓殍而不知發案周禮司稼以年之上下出斂法管子國蓄篇歲適美則市糶無子而狗彘食人食歲適凶則市糶釜十糶而道有餓民又曰民有餘則輕之故人君斂之以輕民不足則重之故人君散之以重斂即檢散即發趙注亦言人君不知法度檢斂則檢有斂義不煩改字鹽鐵論水旱章引孟子亦作檢惟漢書食貨志云孟子亦非狗彘食人之食而不知斂野有餓殍而不知發檢作斂殍作芟與今本異

西喪地於秦七百里案釋地河西曰離州郭注自西河至黑水則凡離州地皆在河西漢書地理志上郡秦置在今陝西

大四百五十三
小四十三

延安榆林綏德等處蓋秦盡得河西地以其半屬內史以半爲上郡上郡在秦國都之左故名在魏僅可總名河西耳魏世家惠王十九年築長城塞固陽固陽漢志屬五原郡作相在今陝西榆林府谷縣魏河西地爲極北秦本紀正義云魏西界與秦相接南自華州鄭縣西北過渭水濱洛水南岸向北有上郡鄜州之地皆築長城以界秦境在今華州北至榆林從長千餘里皆魏河西地則魏本盡有河之西岸據全晉之險足以西制秦所謂天下莫強者也六國表秦孝公八年魏惠十七與魏戰元里斬首七千取少梁秦本紀魏世家同此始喪地於秦也漢志左馬翊夏陽縣有故少梁今在陝西同州府韓城縣爲魏河西地魏世家惠王卅一年秦趙齊共伐我

孟子趙注補正卷一

六

秦將商君詐我將軍公子卬而襲奪其軍破之秦用商君東地至河而齊趙數破我安邑近秦於是徙治大梁商君列傳云執說孝公曰秦之與魏譬若人有腹心疾非魏并秦秦即并魏何者魏居嶺阨之西都安邑與秦界河而獨擅山東之利利則西侵秦病則東收地魏往年大破於齊諸侯畔之可因此時伐魏魏不支秦必東徙東徙秦據河山之固東鄉以制諸侯此帝王之業也孝公以爲然使衛鞅將而伐魏虜魏公子卬因攻其軍盡破之以歸秦魏惠王兵數破於齊秦國內空日以削忍乃使使割河西之地獻於秦以和而魏遂去安邑徙都大梁案秦早取魏河西地少梁此又割河西地大約在少梁以南河濱之地此再喪地也秦得分魏大河之險

大五百一十一
小一十一

渡河而東遂偏國都秦於此時即稍稍蠶食河東之地魏人自危故又渡河而南徙都大梁漢志陳留汝南縣有故大梁今在河南開封府祥符縣竟委安邑而去之則安邑附近之地當漸削以與秦此三喪地也考之後十年當魏襄王四年秦惠文王七年秦敗龍賈軍於雕陰圍

焦曲沃魏世家在襄王五年蓋蘇地在秦故連類記之茲據秦紀正雕陰漢志屬上郡在今陝西延安府甘泉縣南三十里之地在今韓城古少梁之西其時少梁以北秦上郡之地尙是魏境故猶能於此出兵以禦秦秦之志以少梁以北離魏都益遠得之不能扼其要

領故雖敗其軍於雕陰不北收其地而仍東取焦曲沃以偏大梁此其至計也焦漢志宏農陝縣有焦城在今河南陝州東北西至今華陰魏陰晉三百餘里魏襄王二年秦敗魏於雕陰襄王三年秦惠文王七年

孟子趙注補正卷一
文王六年魏以陰晉爲和命曰靈秦案陰晉在漢曰華陰屬京兆今爲陝西同州府華陰縣爲魏河西之極南竟魏與秦於雕陰亦以其近秦秦再敗魏而不取雕陰以非并魏之急務故南取華陰以近大梁而取之其後圍焦曲沃即此意

北至今山西解州安邑縣魏故都二百里曲沃漢志河東聞喜縣故曲沃在今山西絳州聞喜縣南十里西南至安邑五十里若勿近安邑之地未入於秦亦不能自雕陰以東六七

百里之地如入無人之境則可證魏徙大梁時安邑之地多爲秦所蠶食自安邑西至河三百餘里渡河而西又北至少梁亦三百餘里即孟子梁惠王言西喪地於秦七百里蓋兼

河東地言之此七百里者計其程除非量其四至故不云方也蓋惠王時所喪地始爲少梁秦又自河西至安邑其雕陰

以北至固陽同州以南至華陰尙爲魏地至襄王二年以陰

大四百三十五
小一百六十四

晉爲和是同州以南入秦也五年子秦河西之地是雕陰以北入秦也至七年盡入上郡地於秦是固陽以南凡魏河西之地尺寸皆爲秦有大河之勢全失其去滅亡也不遠矣魏世家襄王七年亦有上郡之名以盡入於秦故本秦而言也

鹽鐵論相刺篇云孟軻居梁兵折於齊上將軍死而太子虜西敗於秦地奪壤削亡河內河外是桓寬亦謂惠王時已失河內河外之地今衛輝懷慶諸府古爲河內今解州安邑古

爲河外雖不盡失爲秦稍稍割裂大約有七百里之遠矣南辱於楚 案魏世家惠王十九年諸侯圍我襄陵六國表同秦本紀他世家皆無是年圍襄陵事襄陵漢志屬河東郡爲今平陽府襄陵縣北爲趙西爲秦南爲楚次年衛鞅圍固陽

孟子趙注補正卷一
故知有秦魏歸趙邯鄲故知有趙據孟子惠王言南辱於楚後楚破魏復在襄陵故知有楚此諸侯圍襄陵當是秦趙楚三國而楚爲謀主但圍城而未取邑故云辱不云喪地也與後襄王十二年破襄陵得八邑爲二事

孟子見梁襄王 問 若 據 孟子年月考曰史記六國表魏世家並云惠王在位三十六年始辛亥終丙戌襄王十六年始丁亥終壬寅哀王二十三年始癸卯終乙丑竹書紀年則以襄

王十六年上繫於惠成王以爲其改元後之年而自癸卯以後記二十二年事謂之今王今王者杜預以爲哀王是是紀年有哀而無襄史記有襄王又有哀王世本則有襄王而無哀

王通鑑從紀年不從史記故以惠王在位凡二十五年始辛

王通鑑從紀年不從史記故以惠王在位凡二十五年始辛

大五百零五
小七

亥終壬寅又不從杜預所云之哀王而從世本所有之襄王故以襄王在位爲二十三年始癸卯終乙丑其說備載於考異余以孟子證之而覺史記爲近實何也魏世家惠王三十一年辛巳徙都大梁三十五年乙酉孟軻等至梁故六國表於三十五年書曰孟子來三十六年丙戌惠王卒子嗣立是爲襄王孟子見王有不似人君之語蓋初卽位之辭不然必如通鑑五十二年壬寅惠始卒而襄立孟子豈久淹於梁如是邪不然以襄王之庸豈能禮聘孟子而復至梁邪朱子曰七篇中無更與襄王言者豈孟子自是不復久於梁邪余謂不特不久於梁實未嘗復至梁也史記所以可信或曰紀年魏史書魏事溫公以爲必得其真故從焉余曰不然紀年云

孟子趙注補正卷一

九 廣雅書局

惠成王九年徙都大梁不知是年秦孝公甫立公孫鞅未相公子卬未虜地不割秦不偏魏何遽遷都以避之邪卽一徙都事如此其餘尙可信邪宋六國表魏世家並云子生於魏卒武侯立凡十六年而後惠王立是年已三十若加紀年大侯五十年卒武侯二十六年卒已八十八更以襄王十六年爲改元後之年不一百四歲乎紀年不可信如此又案呂成公大事記周赧王元年孟軻致爲臣而歸綱目亦因之余謂孟子去齊明云由周而來七百有餘歲若果在赧王元年丁未逆數至武王有天下歲在己卯當得八百九年案此事江慎修辯之甚當詳第四卷孟子方欲言其多豈肯少言之也然則當在顯王四十五年丁酉未滿八百歲以前耳孟子於顯王三十五年乙酉至梁明年丙戌惠卒襄立而卽去梁是爲齊宣王

大四百五十一
小一百三十三

八年孟子遊事齊當從丙戌起何則由大梁至臨淄千有餘里故云千里而見王若由鄒而往僅得半耳旣仕齊中間道三年喪歸鄒喪畢復事齊終不合而去須在此十二年內孟子於齊行蹤歲月約略可知者如此案齊宣在位十九年史記通鑑并同但史記始已卯終丁酉通鑑始己丑終丁未較後十年此從史爲長者折枝注折枝案摩折手節解疲枝也案枝支字通用梁惠王章句下王語暴以好樂捫蝨新語謂此章惟鼓樂字音岳餘通章樂字皆音洛案唐風好樂無荒箋云君之好樂不當至於廢亂政事亦一證猶古之樂也問若璠曰左傳晏子曰古而無死則古之樂也可證孟子

孟子趙注補正卷一

十 廣雅書局

獨樂樂與人樂樂孰樂注孟子復問獨自作樂樂邪與人共聽樂樂也翟曰晏子雜上篇樂者上下同之故天子與天下諸侯與境內自大夫以下各與其僚無有獨樂今上樂其樂下傷其費是獨樂也後漢臧宮傳有德之君以所樂樂人無德之君以所樂樂身並可爲上樂字音洛之證臧問若璠曰說文類臯也孫疏作臯類非又案史記蔡澤傳臧臧卽類謂臯臧也臣聞郊關之內注郊關齊四境之郊皆有關案儀禮聘禮云及竟乃謂關人注古者竟上爲關此四境有關之證齊宣王見孟子於雪宮注雪宮離宮之名也案劉熙亦云雪宮離宮之名也僞疏云宣王在雪宮之中而孟子來至從前

大四百一十九
小五十八

注孟未有謂孟子館而宣王就見者其說出流俗講書然熟思疑未謬古人所居皆可云宮離宮乃別築宮館以居遊士非指王宮孟子之滕館於上宮又燕世家昭王爲郭隗築宮此宮不專謂王宮之證史記孟轅傳云齊自如淳于髡以下皆命曰列大夫爲開第康莊之衢高門大屋尊寵之孟子游齊當亦爾矣公孫丑篇孟子將朝王王使人來曰寡人如就見者也此必嘗就見故云然況使孟子往王所宜云孟子見齊宣王於雪宮此自作王見孟子若讀爲從者見之之見頓易全書之例亦不然矣元和郡縣志引晏子春秋齊侯見晏子於雪宮今晏子無此文蓋涉下文有晏子語故以孟子爲晏子爾 曾子問篇自卿大夫之家曰私館公館與公所爲

孟子趙注補正卷一

士 廣雅書局

曰公館注公館若今縣官舍也公所君所使舍己者正義引鮑遠問曰注此云公所爲君所命使舍己者注雜記云公所爲若今離宮別館也是二說異何張逸蒼曰公館若今停待者也離宮是也聘禮曰卿館於大夫大夫館於士公命人使館客亦公所爲也案此知宣王所命以館孟子者正可謂之離宮趙注所言與鄭志合

吾欲觀於轉附朝儻遵海而南放于琅邪注轉附朝儻皆山名也又言朝水名也 偽疏云顧野王釋云灋水名出南陽恐誤灋爲儻案以朝儻爲水名者是也水經白水出朝陽縣西東流過其縣南注云王莽更之曰朝陽也爲厲信縣應劭曰縣在朝水之陽今朝水逕其北而不出其南也蓋邑郭淪移

大四百八十三

川渠狀改故名舊傳遺稱至今也水經又云灋水出無陰西南無陰漢書地理志作舞陰與朝陽皆屬南陽郡無舞舞四字通借漢舞陰在今南陽府泌陽縣西北六十里朝陽在今鄧州南八十里錢獻之云今有刁水在鄧州西原出內鄉縣南逕州城南入潯水者即朝水也則朝儻二水皆在南陽明甚考漢南陽郡屬荊州爲楚地而齊景公言轉附朝儻者案轉謂周流附謂薄附言周流朝儻之水而薄至楚之國都此齊桓伐楚之故道也管子戒篇桓公將東游問於管仲曰我游猶轉轉斛南至琅邪司馬曰亦先王之游已何謂也云云軸即轉字脫畫誤分兩字附通斛故誤斛史記魏世家周勃作猶欲督通轉毛詩匪棘其欲禮器作桓公言我游欲轉附

孟子趙注補正卷一

士 廣雅書局

附朝儻管子脫朝儻二字當以孟子及晏子春秋內篇補正之太平寰宇記引晏子春秋吾欲遊轉附朝儻與管子略同惟遊欲字倒今晏子本則盡同孟子矣景公以轉附朝儻爲桓公之故事故欲觀之管子戒篇又云五年始興車踐乘遂南伐楚門傳施城尹知章注施城楚城名謂附至其下隱十一年左傳傳于許傳可通附此皆轉附之切證水經注灋水之左卽黃城山也有溪水東北逕方城又云黃城通爲方城矣世謂之方城山此方城爲楚籬籬而朝儻之水俱近方城故管子霸形篇遂興兵而南存宋鄭與楚王逼於召陵之上因以鄭城與宋水爲請於楚楚人不許遂南伐及踰方城濟於汝水望汝山注汝首岷南致楚越之君案齊桓先至宋自

大四百九十三

宋而西至鄭遂南至召陵召陵在今河南許州郾城縣又南
 濟汝水西南至葉縣今葉縣南有方城山是先濟汝水後踰
 方城當依小匡篇爲正管子小匡桓公征伐楚濟汝水踰方城之地
 又南乃至滎水今滎水出南陽府泌陽縣西北東北流逕葉
 縣東南朝水又在南轉於朝舞之水卽周流楚之北境當漢
 時猶以朝舞名縣則其深廣當與汝漢相匹而今乃漸微所
 謂川渠狀改也如謂二者皆山名又如近人必求之於齊地
 則景公何難命駕而往乃必以脩德爲問乎景公思復脩桓
 之業故欲觀其舊迹僖四年左傳君處北海寡人處南海此
 遵海而南亦泛指楚地非浮舟海中傳又云陳轅濤塗謂鄒
 申侯曰師出於陳鄭之間國必甚病若出於東方觀兵於東

孟子趙注補正卷一

主

廣雅書局

夷循海而歸其可也循海卽遵海之義與管子桓公將東游
 之語亦合蓋朝僂尙在齊西東行至琅邪方是齊之南境故
 云南放琅邪也晏子春秋內篇問上景公問先君桓公吳越
 受令荆楚惜憂莫不賓服景公時魯衛宋鄭皆孱弱不振之
 鄰其東則吳最大南則楚最強楚地有桓公之故道景公欲
 效桓之伐楚又欲循海觀兵東夷蓋自南海以至東海將經
 歷吳楚乃歸國放於琅邪也漢地理志琅邪郡琅邪縣越王
 句踐嘗治此起臺館琅邪臺在今諸城縣東南一百四十里
 琅邪山上吳越春秋越王句踐二十五年徙都琅邪立觀臺
 以望東海春秋時越未滅吳知琅邪與吳爲近景公有威服
 二國之志苟不務脩德而以兵戎攻晏子先舉巡守道職以

大五百零五
小二十八

明天子諸侯越境而行之故事而後以師行爲深戒也大雅
 江漢之辭王命召虎式辟四方徹我疆土匪我疆土國來
 極于疆于理至于南海箋云式法疾病棘急極中也王於江
 漢之水上命召公使以王法征伐開辟四方治我疆界於天
 下非可以兵病害之也非可以兵急操切之也使來於王國
 受政教之中正而已案此與一游一豫爲諸侯度之義相應
 至師行糧食飢者弗食勞者弗息是爲疾之棘之故箋又云
 齊桓公經陳鄭之間及伐北戎則達此言者案此可悟今也
 不然一段正說桓公時事對先王之古則桓公時亦是今也
 召穆公以王法開辟四方而疆理至於南海齊桓公亦能尊
 周伐楚居然以王道自命當時稱爲義王故景公亦以爲比

孟子趙注補正卷一

主

廣雅書局

於先王也又案晉語還軫諸侯又云還軫巡於天下軫者轉
 也還軾亦轉附之意韋昭以車後橫木解軾非是此卽陳轅
 東方觀兵於東夷循海而歸之說也經書及江人黃人伐陳
 不言齊是桓公用濟塗之說矣左氏又云申侯見曰師老矣
 若出於東方而遇敵懼不可用也若出於陳鄭之間其資
 糧屢屨其可也齊侯說與之虎牢執轅濤塗似桓公仍從陳
 鄭之間還師公羊傳曰濟塗謂桓公曰諸侯是還師濟海而東
 還師濟海而東服東夷且歸桓公曰諸侯是還師濟海而東
 大附於濟海之中顧而執濟塗則公羊爲得其意也下師行
 糧食及爲諸侯憂卽公羊師不正之議此解確不可易易氏
 莊孫孫
 先生云

吾王不遊吾何以休吾王不豫吾何以助注言王者巡守觀民
 其行從容若遊若豫豫亦遊也 孔廣森曰晏子春秋曰春
 省耕而補不足謂之遊秋省實而助不給者謂之豫故於遊
 言休謂休息耕者於豫言助所謂助不給也東京賦既春遊

大三百九十三
小一百零一

以發生啟諸蟄於潛戶度秋豫以收成觀豐年之多稔辭綜
注秋行曰豫是漢人舊說以遊豫分春秋也趙氏章句始混
爲一管子先王之遊也春出原農事之卒者謂之遊秋爲
出補人之不足者謂之夕變豫言夕古音之轉注也
諸侯度言諸侯法之亦以春秋行其境內歲舉不過再
今也不然 案今也不然謂今日之諺與夏諺不同也自師行
而糧食至爲諸侯憂九句皆晏子引當時諺語
從流下而忘反謂之流從流上而忘反謂之連從獸無厭謂之
荒樂酒無厭謂之亡 此晏子解流連荒亡之義益證上九
句爲當時成語

關市譏而不征澤梁無禁罪人不孥 昭廿年左傳晏子言山
林之木衡鹿守之澤之荑蒲舟鮒守之藪之薪蒸虞侯守之

孟子趙注補正卷一

七

廣雅書局

海之鹽蜃所望守之縣鄙之人入從其政徇界之關暴征其
私案此言皆齊之敝政至戰國而益甚故孟子舉文王治岐
之法以正之文王始受命稱王周人一代之政當皆依焉而
周禮獨異是以何休以爲戰國陰謀之書而不謂爲周公所
作也

左右皆曰賢 丁杰曰尙書大傳堯爲天子舜爲左右鄭注左
右助也若周冢宰典國事書序召公爲保周公爲師相成王
爲左右左右指大臣輔佐故先於諸大夫

齊人伐燕 臧庸齊宣王取燕十城考曰元黃氏震述其鄉人
蔣監簿曉說謂史記齊伐燕有二事齊宣王伐燕燕文公卒
易王初立齊宣因燕喪伐之取十城是卽梁惠王篇所載問

大四百四十二
小四十七

若稱齊宣王者是也齊潛王伐燕燕王噲以燕與子之齊伐
之是卽公孫丑篇所載沈同問燕可伐者也余考之戰國策
史記合之孟子知蔣黃之說爲是今證之 戰國策齊策宣
王篇云權之難齊燕戰秦使魏冉之趙出兵助燕擊齊許公
使魏處之趙謂李向曰君助燕擊齊齊必急急必以地和於
燕而身與趙戰矣故爲君計不如案兵勿出齊必復與燕戰
戰而勝兵罷敝趙可取唐曲遊戰而不勝命懸於趙中立而
割窮齊與疲燕也鮑注云後漢志當陽注縣東南有櫛城楚
地也蓋燕自北進齊自東進而戰於楚境燕策爲文公時魏
冉傳言自惠王時任事然則此役文公末年也 又燕策文
公篇云權之難燕再戰不勝趙弗救喻子鮑注云文謂文公
公孫子喻謂文公

孟子趙注補正卷一

八

廣雅書局

曰不如以地請合於齊趙必救我若不吾救不得不事文公
曰善令郭任以地請講於齊趙聞之遂出兵救燕鮑注云齊
策此役言及魏冉知爲文公末年 又易王篇云燕文公時
秦惠王以其女爲燕太子婦文公卒易王立齊宣王因燕喪
攻之取十城武安君蘇秦爲燕說齊王曰燕雖弱小強秦之
少壻也王利其十城而深與強秦爲仇今使弱燕爲雁行而
強秦制其後以招天下之精兵此食烏喙之類也王能聽臣
莫如歸燕之十城卑辭以謝秦秦知王以己之故歸燕城也
秦必德王燕無故而得十城燕亦德王是棄強仇而立厚交
也齊王大說乃歸燕城願爲兄弟而請罪於秦 史記燕世
家云文公二十八年蘇秦始來見說文公秦惠王以其女爲

大五百零八
小一十三

燕太子婦二十九年文公卒太子立是爲易王易王初立齊宣王因燕喪伐我取十城蘇秦說齊復歸燕十城

又見蘇秦傳

案合國策史記孟子考之燕文二十八年蘇秦始說燕時齊宣九年與魏襄會於徐州諸侯相王田嬰欺楚明年楚圍齊徐州蓋燕文虐其民齊宣往征與燕再戰於權梁惠王篇一書齊人伐燕勝之再書齊人伐燕取之與燕策權之難燕再戰不勝正合鮑注謂燕文公末年是也燕文卒於是年齊宣因喪伐之取十城即孟子所謂五旬而舉之及取之是也固與齊潛伐燕噲三十日而舉燕國顯然爲二事時燕遭喪又數被兵易王尙未立故孟子有謀於燕置君而後去之說或謂寡人勿取者蘇秦說齊宣歸燕十城也或謂寡人取之者田嬰使魏處之趙說勿助燕擊齊則必勸宣取燕也孟子言殺其父兄係累其子弟如水深火熱燕民不說不取與蘇秦還燕十城之策正同特有公私之別耳諸侯將謀救燕者齊策云秦使魏冉之趙出兵助燕擊齊燕策云文公令郭任以地請講於齊趙遂出兵救燕是也齊田嬰欺楚楚圍齊正在燕文末年齊宣十年且齊燕再戰於楚邑則楚之圍齊當亦助燕於史可考者有秦趙楚燕四國故齊宣畏之云諸侯多謀伐寡人也齊宣十一年與魏襄伐趙趙浹河水灌之見史記田齊世家趙世家六國年表蓋報救燕之役也故燕策文公篇謂燕亡國之餘其以權立以重外以事貴正指齊宣伐燕趙肅救燕而云然乃鮑注以此爲必燕昭既立之時而

孟子趙注補正卷一

七

廣雅書局

孟子趙注補正卷一

六

廣雅書局

吳正傳亦云此非文公時蓋俱未細考 穰侯列傳云魏冉最賢自惠王武王任職用事考六國表燕文二十九年齊宣十年趙肅侯十七年楚威王七年正秦惠文王五年鮑注齊策謂魏冉自惠王時任事此役在文公末年是也 又考齊宣十一年燕趙秦楚四國謀伐齊時不與謀者韓魏二國魏襄與齊宣睦故宣九年與襄會於徐州十一年又同襄伐趙因趙救燕故知魏不與謀也齊宣八年韓昭侯二十四年秦拔韓宜陽二十五年旱作高門二十六年高門成昭侯卒明年爲齊宣十一年韓宣惠王元年時韓兵役相尋昭卒宣惠初立故知韓不與謀也此齊伐燕在齊宣十年燕文二十九年時周顯王三十六年也後齊伐燕在齊潛十年燕噲七年時周赧王元年也相距上下逾二十年後事亦見戰國策齊策燕策史記六國表燕世家荀子王霸篇前事載孟子梁惠王篇稱諡者齊宣卒於孟子前也後事載公孫丑篇祇稱王者齊潛卒於孟子後也漢趙氏章句已蒙混不能分爲二事余因黃氏說爲證明如此

書曰湯一征自葛始天下信之東面而征西夷怨南面而征北狄怨曰奚爲後我民望之若大旱之望雲霓也歸市者不止耕者不變誅其君而弔其民若時雨降民大悅書曰後我后來其蘇 此二篇皆尙書逸篇之文也 案書序湯征諸侯葛伯不祀湯始征之作湯征鄭注云湯征以此引書正是湯征之文又案民望之以下皆孟子之說書也後滕文公篇

湯始征云云亦是說書故文少異而不加書曰也

非吾所能及也閻若璩曰案孟子於梁惠王卒後猶譏其不

仁梁襄王初卽位譏其不似人君蓋梁未嘗爲之臣也至於

滕更不特非臣且不自稱臣案孟子於梁亦未嘗自稱臣第曰吾分益亢

矣

宿松羅忠濟初校

孟子趙注補正卷一

陽湖吳翊寅覆校

孟子趙注補正卷一

九廣雅書局

孟子趙注補正卷二

長洲宋翔鳳撰

公孫丑章句上或問乎曾西曰曾西曾子之孫困學紀

聞曰經典序錄曾申字子西曾參之子子夏以詩傳曾申左

丘明作傳以授曾申曾西之學於此可考楚鬬宜申公子申皆字子西

則曾西之爲曾申無疑

曾西蹵然案說文狀怒然也从欠未聲孟子曰曾西欸然則

孟子舊本作欸作慤者趙所改爾

微仲史記宋微子世家微子開卒立其弟衍是爲微仲書序

殷既錯天命微子作誥父師少師正義啟與其弟仲衍皆是

紂之同母庶兄史記稱微仲衍衍亦稱微者微子封微以微

孟子趙注補正卷二

一廣雅書局

爲氏故弟亦稱微猶如春秋之世虞公之弟稱虞叔祭公之

弟稱祭叔也呂氏春秋仲冬紀紂之同母三人長曰微子啟

其次曰中衍其次曰受德受德乃紂也中衍卽微仲衍檀弓

微子舍其孫臚而立衍也鄭注微子適子死立其弟衍殷禮

也合呂覽檀弓宋世家之言知衍是微子之弟孟子正以是

兄弟故以比于箕子同時並稱漢書古今人表微子紂兄在

第二等微中仲在第四等列膠鬲商容之間又有宋微仲啟

子在第五等則宋微中之爲啟子者別是一人不得以名衍

者當之宋世家微子開卒立其弟衍是爲微仲微仲卒子宋

當時有以弟爲子閻百詩遺去人表第四等之微仲但見第

五等之宋微仲遂以仲衍爲啟子并強解檀弓之立衍爲舍

大一百
小一十八

大四百六十五
小六十七

孫立子之證不知與孟子語意絕不合

雖有鐵基注鐵基田器耒耜之屬錢大昕曰周禮雍氏注以

茲其斫其生者疏云漢時茲其即今之耒也禮記月令注田器鐵鉏之屬正義引孟子作鐵鉏茲其鐵鉏鐵基文異而義

同案說文櫛齊謂之鐵鉏此取孟子之言廣雅云鐵鉏鉏也

我四十不動心 不動心即大學之正心不為外物所誘則心能正如北辰之居其所尚書大傳言其變幾微而所動者大則居中亦未嘗不動不動者不為外誘所動耳使北辰不動則恆星不能周天心而不動則庶事不能就理如告子之不動心即莊周所謂槁木死灰豈足以應萬事乎

孟子趙注補正卷二

廣雅書局宋

孟施舍注孟姓舍名也施發音也 問曰趙氏意以古人二字

名無單稱一字今日舍則舍其名也古未見有複姓孟施者則孟其姓也遂以施為發音不知發聲在首如吳曰句吳越曰於越若在中則語助辭多用之字未聞以施字者且魯有少施氏安知孟施非少施一例乎

志壹則動氣氣壹則動志也注壹者志氣閉而為壹也 案壹

讀為賈誼傳壹鬱其誰語之壹說文壹壹壹也从囟从壹不得泄凶也易曰天地壹壹案今易作網緼網緼壹鬱壹壹並聲轉

我善養吾浩然之氣注我能自養育我之所有浩然之大氣也

臧庸曰文選班孟堅蒼賓戲仲尼抗浮雲之志孟軻養浩

大四百八十
小一十二

然之氣李善注孟子曰我善養吾浩然之氣項岱曰皓白也

如天之氣浩然也後漢傳變傳世亂不能養浩然之氣李賢注孟子曰養吾浩然之氣趙岐注曰浩然天氣也案春秋繁

露循天之道云陽者天之寬也陰者天之急也中者天之用也和者天之功也舉天地之道而美於和是故物生皆貴氣

而迎養之孟子曰我善養吾浩然之氣者也則董子以養浩然之氣為養天之和氣班孟堅以浩然與浮雲相對是亦以

浩然為天氣趙項之釋有所本矣今本趙注作浩然之大氣當是俗人所改漢書敘傳上顏注曰浩然純一之氣也文選

五臣注劉良曰浩然自放逸也朱子曰浩然盛大流行之貌皆與古義異

孟子趙注補正卷二

廣雅書局宋

其為氣也配義與道 義人事之宜道天道與猶合也配以人事之宜合乎天之常道斯能養其浩然之氣

必有事焉而勿正心勿忘勿助長也顧炎武曰倪文節思謂當作必有事而勿忘勿忘勿助長也傳寫誤以忘字為正心

二字禮祭義見間以俠輒鄭注見間當為闕史記持梁刺齒肥索隱刺齒當為齧此皆古書一字誤二字之證疊勿忘作文法

汗不至阿其所好注汗下也言三人雖小汗不平亦不至阿其所好 汗汗世也言當汗世是非不公獨此三人不至阿其

所好也

子貢曰見其禮而知其政聞其樂而知其德由百世之後等百

大四百四十八
小八